



GRADONAČELNIK

Broj: 07-1054/26

Datum: 11.06.2026.godine

Gradonačelnik na osnovu člana 70. stav (1) i (3) Zakona o javnim nabavkama ("Službeni glasnik BiH", broj: 39/14, 59/22 i 50/24), Budžeta Grada Srebrenik za 2026.godinu („Sužbeni glasnik grada Srebrenik“, broj: 1/26), člana 37. i 139. Statuta Grada Srebrenik („Službeni glasnik Grada Srebrenik“, broj: 1/24), člana 33. stav (1), (3) i (4) te člana 34. Pravilnika o javnim nabavkama Grada Srebrenik („Službeni glasnik Grada Srebrenik“, broj: 7/25), a na preporuku Komisije za javnu nabavku (dalje: Komisija) po Zapisniku o pregledu i ocjeni ponuda (dalje: Zapisnik) broj: 07-1054/26 od 04.06.2026. godine za javnu nabavku usluge: „Projektovanje mosta u naselju Sječe“, d o n o s i:

ODLUKU O IZBORU PONUĐAČA

I

Prihvata se preporuka Komisije, prema Zapisniku broj: 07-1054/26 od 04.06.2026. godine te se Ugovor za **javnu nabavku usluge: „Projektovanje mosta u naselju Sječe“** u ukupnom iznosu od **6.500,00 KM (bez uračunatog PDV-a)** odnosno u iznosu od **7.605,00 KM (cijena sa uračunatim PDV-om)** dodjeljuje ponuđaču **„HS INŽENJERING“ d.o.o. Sarajevo** a u skladu sa ponudom broj: 049/26 od 18.05.2026. godine.

II

Izabrani ponuđač iz člana I ove Odluke, dužan je u roku od 7 dana od dana prijema iste, dostaviti dokaze po članu 45. stav (2) Zakona o javnim nabavkama iz tačke 3.1. Tenderske dokumentacije. Dokazi koje dostavlja izabrani ponuđač ne mogu biti stariji od tri mjeseca, računajući od dana dostavljanja ponude.

III

Ova odluka objavit će se na web-stranici www.srebrenik.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

O B R A Z L O Ž E N J E

Odlukom o pokretanju postupka za javnu nabavku usluge: „Projektovanje mosta u naselju Sječe“, broj: 07-1054/26 od 06.05.2026. godine, pokrenut je postupak nabavke predmetne usluge. Javna



nabavka je provedena putem konkurentskog zahtjeva, a kriterij za dodjelu ugovora je najniža cijena. Ukupna procijenjena vrijednost nabavke iznosi 8.547,00 KM (bez PDV-a).

Obavještenje o nabavci predmetne usluge objavljeno je na Portalu javnih nabavki dana 07.05.2026. godine pod brojem: 761-7-2-48-3-86/26 i sažetak Obavještenja o nabavci, objavljen u „Službenom glasniku BiH“ broj: 34/26 dana 15.05.2026.godine. Tenderska dokumentacija objavljena je zajedno sa navedenim obavještenjem.

U krajnjem roku za dostavu ponuda, dostavljene su ponude sljedećih ponuđača:

1. **„HS INŽENJERING“ d.o.o. Sarajevo**, broj ponude: 049/26 od 18.05.2026. godine u iznosu do 6.500,00 KM (bez PDV-a);
2. **„AIK-INŽENJERING“ d.o.o. Banovići**, broj ponude: 128/26 od 13.05.2026. godine u iznosu od 7.450,00 KM (bez PDV-a);
3. **„SPEKTRAL PROJEKT“ d.o.o. Tuzla**, broj ponude: 106/26 od 15.05.2026. godine u iznosu od 6.200,00 KM (bez PDV-a) i

Uvidom u dostavljenu ponudu ponuđača **„SPEKTRAL PROJEKT“ d.o.o. Tuzla** Komisija je konstatovala da je ponuđač dostavio Uvjerenje broj: 142/19-1 od 18.10.2019. godine izdato od strane „ŠF INŽENJERING“ d.o.o. Tuzla (str. 32 Ponude) u kojem se potvrđuje da je Salihović Emin stekao radni staž u „ŠF INŽENJERING“ d.o.o. Tuzla u ukupnom trajanju od 3 godine 5 mjeseci i 15 dana. Zatim je ponuđač dostavio i Uvjerenje broj: 59-03/2024 od 29.03.2024. godine izdato od strane „HG-INŽENJERING“ d.o.o. Tuzla (str. 34 Ponude) kojim se potvrđuje da je Salihović Emin stekao radni staž u „HG-INŽENJERING“ d.o.o. Tuzla u ukupnom trajanju od 4 godine i 18 dana te Uvjerenje broj: 104/26 od 15.05.2026. godine izdato na vlastitom memorandumu (str. 36 Ponude) kojim se potvrđuje da je ukupno radno iskustvo u „SPEKTRAL PROJEKT“ d.o.o. Tuzla za Salihović Emina 2 godine. Ponuđač je dostavio i Listu osiguranih lica za obveznika „SPEKTRAL PROJEKT“ d.o.o. Tuzla broj: 13-3/1-92-45-4763 od 12.05.2026. godine izdatu od strane Porezne uprave FBiH, Kantonalni porezni ured Tuzla, Porezna ispostava Tuzla kojom dokazuje da je datum početka osiguranja za Salihović Emina u „SPEKTRAL PROJEKT“ d.o.o. Tuzla 15.05.2024. godine. Dakle, potvrdom iz Porezne uprave ponuđač samo dokazuje radno iskustvo u iznosu od 2 godine stečeno kod „SPEKTRAL PROJEKT“ d.o.o. Tuzla, ali ne i radno iskustvo koje je Salihović Emin stekao u privrednim subjektima „ŠF INŽENJERING“ d.o.o. Tuzla i „HG-INŽENJERING“ d.o.o. Tuzla. Ponuđač stoga ne ispunjava uslov iz tačke 3.4. pod II i to: *„Ponuđači su dužni uskladiti radni staž traženog osoblja kojeg izdaju na svom memorandumu sa potvrdom o radnom stažu od nadležnog organa. (U slučaju angažovanog osoblja, ponuđač je dužan osigurati da podaci o radnom stažu navedeni u izjavi ponuđača budu u potpunosti usklađeni sa podacima iz službenih evidencija nadležnih institucija (Porezna uprava ili PIO/MIO). U tu svrhu ponuđač dostavlja odgovarajuće dokaze iz kojih je vidljiv radni staž i period angažmana za svako navedeno lice.“* U konkretnom slučaju, za Salihović Emina nije dokazano da posjeduje tri godine radnog iskustva, kako je navedeno u tački 3.4. tenderske dokumentacije i to: *„jedan diplomirani inženjer građevine (konstruktivni smjer) sa položenim stručnim ispitom i najmanje tri godine radnog iskustva“*.

Zbog navedenog nedostatka ponuda ponuđača **„SPEKTRAL PROJEKT“ d.o.o. Tuzla** ocjenjena je kao neprihvatljiva, jer ne ispunjava kriterij za kvalifikaciju privrednog subjekta (tehnička i profesionalna sposobnost), u vezi sa članom 2 stav (1) tačka 1) alineja 2) Zakona o javnim nabavkama, te se kao takva odbacila.

Komisija je utvrdila da su ponude ponuđača „HS INŽENJERING“ d.o.o. Sarajevo i „AIK-INŽENJERING“ d.o.o. Banovići prihvatljive, pravilne i potpune, odnosno da su ponuđači dostavili dokaze tražene tenderskom dokumentacijom..

Obzirom da nije previđeno zakazivanje e-aukcije jer se radi o nabavci usluga čiji je predmet intelektualni rad, pa se takve ponude ne mogu rangirati primjenom metode automatskog elektronskog ocjenjivanja te da je kriterij za dodjelu ugovora najniža cijena, Komisija je konstatovala da je ponuda ponuđača „HS INŽENJERING“ d.o.o. Sarajevo u iznosu od 6.500,00 KM (bez uračunatog PDV-a) odnosno u iznosu od 7.605,00 KM (cijena sa uračunatim PDV-om) ocijenjena kao **prihvatljiva**. Komisija je stoga predložila Gradonačelniku prihvatanje ponude ponuđača „HS INŽENJERING“ d.o.o. Sarajevo za javnu nabavku usluge: „Projektovanje mosta u naselju Sječe“, te shodno članu 70. Zakona o javnim nabavkama, donošenje Odluke o izboru ponuđača „HS INŽENJERING“ d.o.o. Sarajevo za predmetnu uslugu i zaključenje ugovora po ispunjenju uslova sa izabranim ponuđačem u ponuđenom iznosu.

U postupku ocjene provedenog postupka, ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Prilikom donošenja ove Odluke posebno su cijenjenje činjenice da je Komisija pravilno i potpuno izvršila ocjenu kvalifikovanosti ponuđača i ocjenu prispjele ponude izvršila u skladu sa kriterijima iz tenderske dokumentacije, Zakonom o javnim nabavkama i podzakonskim aktima.

Iz navedenih razloga, uzimajući u obzir i primjenjujući iznad istaknute članove pozitivne zakonske regulative iz oblasti javnih nabavki odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 5 (pet) dana od dana prijema ove Odluke, shodno članovima 97., 99. i 101. Zakona o javnim nabavkama. Žalba se podnosi u dovoljnom broju primjeraka, a koji ne može biti manji od tri.

Dostavljeno:

1. Ponuđaču 3x
2. Službi za prostorno uređenje i zaštitu okoline
3. Evidenciji
4. Budžetu
5. Arhivi

 **GRADONAČELNIK**

Adnan Bjelić